



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ
ՊԱՇԱՐՆԵՐԻ ՆԱԽԱՐԱՐԻ**

Հ Ր Ա Մ Ա Ն Ը

« 15 սեպտեմբերի » 2015 թվականի № 395-Ն

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԷՆԵՐԳԵՏԻԿԱՅԻ ԵՎ ԲՆԱԿԱՆ ՊԱՇԱՐՆԵՐԻ
ՆԱԽԱՐԱՐՈՒԹՅԱՆ ԿՈՂՄԻՑ ԸՆԴԵՐՔՕԳՏԱԳՈՐԾՄԱՆ ԻՐԱՎՈՒՆՔՈՎ
ՏՐԱՄԱԴՐՎԱԾ ԸՆԴԵՐՔԻ ՏԵՂԱՄԱՍԵՐԻ ԾԱՅՐԱԿԵՏԱՅԻՆ ԿՈՐՐԴԻՆԱՏՆԵՐԸ
ARM WGS-84 ԿՈՐՐԴԻՆԱՏԱՅԻՆ ՀԱՄԱԿԱՐԳԻՆ ՀԱՄԱՊԱՏԱՍԽԱՆԵՑՆԵԼՈՒ
ՆՊԱՏԱԿՈՎ ԳՈՐԾՈՂՈՒԹՅՈՒՆՆԵՐ ԻՐԱԿԱՆԱՑՆԵԼՈՒ ՄԱՍԻՆ**

Ղեկավարվելով ՀՀ Կառավարության 2015 թվականի հունվարի 15-ի N 111-Ն որոշման N2 հավելվածի 4-րդ կետի պահանջներով՝

Հ Ր Ա Մ Ա Յ ՈՒ Մ Ե Մ

1. ՀՀ Էներգետիկայի և բնական պաշարների նախարարության (այսուհետ՝ նախարարություն) աշխատակազմի ընդերքի տրամադրման գործակալության պետին՝ սույն հրամանը ստանալու պահից.
 - 1) 2 (երկու) աշխատանքային օրվա ընթացքում նախարարության աշխատակազմի ընդերքի պետական տեսչությանը և նախարարության «Հանրապետական երկրաբանական ֆոնդ» ՊՈԱԿ-ին ըստ մարզերի տրամադրել Հայաստանի Հանրապետության տարածքում ընդերքօգտագործման իրավունք ստացած այն ընդերքօգտագործողների ցանկը (ցանկ 1), որոնց ընդերքօգտագործման իրավունքը հավաստող փաստաթղթերում տրամադրված ընդերքի տեղամասերի ծայրակետային կոորդինատները ARM WGS-84 կոորդինատային համակարգին չեն համապատասխանեցվել և այն ընդերքօգտագործողների ցանկը (ցանկ 2), որոնց ընդերքօգտագործման իրավունքը հավաստող փաստաթղթերում տրամադրված ընդերքի տեղամասերի ծայրակետային կոորդինատները ARM WGS-84 կոորդինատային համակարգին համապատասխանեցվել են (միասին՝ ցանկեր).
 - 2) 7 (յոթ) աշխատանքային օրվա ընթացքում նախարարության աշխատակազմի ընդերքի պետական տեսչությանը տրամադրել ցանկ 1-ում ներառված

ընդերքօգտագործողների աշխատանքային նախագծերի «ընդհանուր տեղեկություններ տեղամասի վերաբերյալ» մասերի կրկնօրինակները.

- 3) Մեկամսյա ժամկետում նախարարության աշխատակազմի ընդերքի պետական տեսչությանը տրամադրել ցանկ 2-ում ներառված ընդերքօգտագործողների աշխատանքային նախագծերի «Ընդհանուր տեղեկություններ տեղամասի վերաբերյալ» մասերի կրկնօրինակները:
2. Նախարարության «Հանրապետական երկրաբանական ֆոնդ» ՊՈԱԿ-ի տնօրենին՝
 - 1) Սույն հարմանի 1-ին կետում նշված ցանկ 1-ը ստանալու պահից յոթ աշխատանքային օրվա ընթացքում նախարարության աշխատակազմի ընդերքի պետական տեսչությանը թղթային և էլեկտրոնային եղանակով տրամադրել ցանկում նշված ընդերքօգտագործողների ընդերքօգտագործման իրավունքը հավաստող փաստաթղթերին առնչվող՝ ֆոնդում առկա լեռնահատկացումների, բլոկավորումների և երկրաբանական քարտեզների պատճենները.
 - 2) Սույն հարմանի 1-ին կետում նշված ցանկ 2-ը ստանալու պահից մեկամսյա ժամկետում նախարարության աշխատակազմի ընդերքի պետական տեսչությանը թղթային և էլեկտրոնային եղանակով տրամադրել ցանկում նշված ընդերքօգտագործողների ընդերքօգտագործման իրավունքը հավաստող փաստաթղթերին առնչվող՝ ֆոնդում առկա լեռնահատկացումների, բլոկավորումների և երկրաբանական քարտեզների պատճենները:
3. Նախարարության աշխատակազմի ընդերքի պետական տեսչության պետին՝
 - 1) Նախարարության աշխատակազմի ընդերքի տրամադրման գործակալության կողմից տրամադրվող ցանկերը և նախարարության «Հանրապետական երկրաբանական ֆոնդ» ՊՈԱԿ-ից ու նախարարության աշխատակազմի ընդերքի տրամադրման գործակալությունից սույն հրամանի 1-ին և 2-րդ կետերով սահմանված համապատասխան նյութերը ստանալուց հետո կատարել ցանկերում ներառված ընդերքօգտագործման իրավունքով տրամադրված ընդերքի տեղամասերի կոորդինատների ճշգրտումներ՝ անհրաժեշտության դեպքում ընդերքօգտագործողի ներկայացուցչի մասնակցությամբ իրականացնելով չափագրման աշխատանքներ.
 - 2) ցանկերում ներառված յուրաքանչյուր տեղամասի համար կատարված ճշգրտումների արդյունքները՝ համապատասխան եզրակացությամբ, տրամադրել նախարարության «Հանրապետական երկրաբանական ֆոնդ» ՊՈԱԿ-ին:
4. Նախարարության «Հանրապետական երկրաբանական ֆոնդ» ՊՈԱԿ-ի տնօրենին՝
 - 1) Նախարարության աշխատակազմի ընդերքի պետական տեսչության կողմից ցանկերում ներառված ընդերքօգտագործման իրավունքով տրամադրված ընդերքի տեղամասերի ARM WGS-84 կոորդինատային համակարգով ճշգրտված ծայրակետային կոորդինատների վերաբերյալ համապատասխան եզրակացությունը ստանալուց հետո հինգ աշխատանքային օրվա ընթացքում համադրել ՊՈԱԿ-ում առկա նյութերի կոորդինատների հետ և համապատասխանության դեպքում՝ համապատասխան եզրակացությամբ, նախարարության աշխատակազմի ընդերքի պետական տեսչությունից ստացված

եզրակացության հետ միասին, ներկայացնել նախարարության աշխատակազմի ընդերքի տրամադրման գործակալությանը՝ սահմանված կարգով ընդերքօգտագործման իրավունքը հավաստող փաստաթղթերում փոփոխություններ կատարելու նպատակով:

- 2) նախարարության աշխատակազմի ընդերքի պետական տեսչության կողմից կատարված աշխատանքների արդյունքում ճշգրտված ծայրակետային կոորդինատների և ֆոնդում առկա նյութերում կոորդինատների մեջ անհամապատասխանությունների դեպքում՝ երկու աշխատանքային օրվա ընթացքում այդ մասին տեղեկացնել նախարարության աշխատակազմի ընդերքի պետական տեսչությանը՝ համատեղ քննարկումներ և ճշգրտումներ կատարելու նպատակով:
5. Նախարարության աշխատակազմի ընդերքի տրամադրման գործակալության պետին՝
Սույն հրամանի 4-րդ կետի 1-ին ենթակետում նշված եզրակացությունները ստանալուց հետո հինգ աշխատանքային օրվա ընթացքում ՀՀ էներգետիկայի և բնական պաշարների նախարարին ներկայացնել համապատասխան առաջարկություն:
6. Նախարարության աշխատակազմի ընդերքի պետական տեսչության, ընդերքի տրամադրման գործակալության պետերին և նախարարության «Հանրապետական երկրաբանական ֆոնդ» ՊՈԱԿ-ի տնօրենին՝
Մինչև սույն հրամանի ուժի մեջ մտնելը՝ ընդերքօգտագործման իրավունքը հավաստող փաստաթղթերում կատարված՝ ընդերքի տեղամասերի ծայրակետային կոորդինատները ARM WGS-84 կոորդինատային համակարգով փոխարինված, սույն հրամանի 1-ին կետի ցանկ 2-ի մեջ ներառված ընդերքօգտագործողների մոտ կատարված կոորդինատների փոփոխությունների մեջ անճշտությունների ի հայտ գալու դեպքում՝ կատարել ճշտումներ սույն հրամանի 1-ին կետի 2-րդ ենթակետով, 2-րդ կետի 1-ին ենթակետով, 3-րդ կետով, 4-րդ կետի 2-րդ ենթակետով և 5-րդ կետով սահմանված կարգով:
7. Սույն հրամանով սահմանված ցանկ 1-ի հետ կապված գործողությունների իրականացման վերջնաժամկետ սահմանել 2015 թվականի դեկտեմբերի 31-ը:
8. Սույն հրամանի կատարման հսկողությունը վերապահել ՀՀ էներգետիկայի և բնական պաշարների նախարարության աշխատակազմի ընդերքի վարչության պետին:



ԵՐԿԱՆԴ ԶԱԽԱՐՅԱՆ